

جَزَائِرُ مَحَاكِمِ

— جمعه ايرتسى —

لومرو	صفر	سنه	ايلول	سنه	صحيفه
٥٦٦	٢٠	١٣٠٨	٢٢	١٣٠٦	٨١٧٥

(اشبو غزته بهر هفته جمعه ايرتسى كونلرى چيقار . سنه لى در سعادت ايجون مجديه يكرمى غروش)
 (حسابيله التمش غروشدر . طشره ل ايجون اون بش غروش بوسته اجرتى ضم اولنور . بهر)
 (نسخسى ينه مجديه يكرمى غروش اولق اوزره يوز باره يه هر يره صاتيلور . درج اولنه جق)
 (اعلاناتك هر برندن بر مجديه اخذ اولنور . سنه لگنه مشترى اولق استيانلر عدليه نظا رتى)
 (دائره سنده كاشن جريده محاكم اداره سنه مراجعت ايلمليدر)

قسمتى

في ٢٢ مارت سنه ٣٠٣ تاريخلو جديد
 مراجعه نظامنامه سنك تاريخ نشرينه قدر فائض
 مقاوله ل ديونات ايجون نظامنامه مذكورك
 برنجى ماده سى موجبجه بوزده اون ايكيدن
 واندن صكره بوزده طقوزدن فائض يوريلسى
 ايجاب ايدى جكى كى اشبو نظامنامه نك دستور العمل
 اولديغى تاريخده حكم اولنه جق فائض كرك
 حقيق نظامنامه موجبجه بوزده اون ايكيدن
 وكرك نظام جديد موجبجه بوزده طقوزدن
 حساب اولمش اولسون هر حالده رأس المالى
 تجاوز ايتامسى نظامنامه جديدك درنجى

(في ١٧ صفر سنه ٣٠٨ وفي ٢٠ ايلول)
 (سنه ٣٠٦ تاريخنده عموم ولايات استيناف)
 (محكمه سى مدعى عموميلرينه ومدعى عمومى)
 (بولنيان محاللى مدعى عمومى معاونلرينه يازيلان)
 (تحريات عموميه صورتيدر)

ايجاب كيفيت موقع مذاكره به قونلدقده

ماده سی اقتضاسندن ایکن برنجی تجارت
محکمه سنجه اساس دین اولان یک یوز بیش لیرابه
برمثلندن زیاده فائض حکم اولنسی مخالف قانون
اولدیغندن بحکله اعلام مذکورک بوجهدن
طولای نقضی حقنده هیئتدن ایکی ذات طرفندن
پسان رأی ایدلش ایسه ده اعلام مذکورده
محرر اولدیغی اوزره قوانین ونظامات جدیده
احکامک ماقبله شمولی اوله میه جغی کبی برنظام
وقانونک احکامی دیگر برنظام وقانون ایله فسخ
ویا تعدیل اولنجیه قدر مرعی ومعتبر اوله جغه
مبنی مراجعه نظامنامه عتیق زماننده وقوعبولش
اولان مدانیات فائضلرینک مقداری نظامنامه
جدیدک نشری تاریخنه قدر رأس المالی تجاوز
ایتسه بیله نظام عتیقه توفیقاً یوزده اون ایکی
غروشندن حساب وحکم اولنقی لازم کله جکی
کبی عتیق مراجعه نظامنامه سنک مرعی الاجرا
اولدیغی زماننده عقد اولوب نظام جدیدک
تاریخ نشرینه قدر برمنوال محرر فائضی
رأس المالنی تجاوز ایدن مدانیات ایچون نظامنامه
جدیدک نشرندن صکره کذران ایدن مدت فائضنک
دخی یوزده طقوز حسابله بشقه جه حکم
اولنسی مقتضی اولدیغنه ونظامنامه جدیدک
دردنجی ماده سنده محرر اولدیغی وجهله

اقراضات ایچون حکم اولنده جق فائضنک
رأس المالی یکم اساسنه دأر اولان منع قانونی
نظامنامه مذکورک نشری تاریخندن اعتباراً
کذران ایدن ایام ایچون حساب وحکم اولنده جق
فائض حقنده جاری اوله یلوب یوقسه نظامنامه
مذکورک نشرینه قدر عتیق نظامنامه موجبجه
حساب اولنان فائضنک رأس المالی تجاوز ایتسی
نظام جدیدک نشرندن صکره فائض حکم
اولنسی استلزام ایتیه جکنه ونظامنامه جدیدک
نشری تاریخندن اولجه اعلاماته مربوط اولوب
حین تأدییه دکن مع فائض تخصیصی محکوم
اولان مطلوبات فائضلرینک دخی نظام جدیدک
نشرینه قدر یوزده اون ایکیدن واندن صکره سی
ایچون نظام جدید موجبجه یوزده طقوزدن
اخذ واستیفای لزومی بدیهی اولدیغنه وشو حاله
نظراً برنجی محکمه تجارتجه موعی الیه موسیو
القونس لیهنک اساس مطلوبی اولان یک یوز
بیش لیرا ایچون جدید مراجعه نظامنامه سنک
تاریخ نشرینه قدر یوزده اون ایکیدن حکم
اولنان یک در یوز س کسان بش لیرا فائضندن
ماعدا نظامنامه مذکورک نشرندن صکره حین
حکمه قدر یکن مدت ایچون اصل رأس المالی
تجاوز ایتامک اوزره یوزده طقوزدن فائض

مقتضای خصوصیه همت اولنسی سیاقنده
شقه ترقیم قلندی .

حکم اولنقی لازم کاور ایکن مدت مذکورده
ایچون فائض حکم اولنسی مغایر نظام بولنش
اولدیغندن اعلام مذکورک طرفین استفاده ایتامک
اوزره مجرد نقضاً للقانون نقضنه ۲۲ تشرین ثانی
سنه ۳۰۵ تاریخنده اکثریت آرا ایله قرار
وبرلدی .

اقراضات فائضلرینک رأس المال مقدارینی
تجاوز ایتیه جکی مراجعه نظامنامه جدیدنک
دردنجی ماده سی اقتضاسندن اولسی جهته
بونک ماقبله شمولی اولوب اولدیغی بعض طرفندن
استفسار اولنسنه وقوانین ونظاماتک تفسیر
احکامی دخی محکمه تمیزه مائد وظائف قانونیه دن
بولنسنه مبنی بالعموم محاکمه رهین حرکات
اولقی اوزره بومسئله دأر محکمه تجارتندن
وبرلش اولان ر اعلام نقضاً للقانون تدقیق اولنده رقی
ماده مذکورده حکمنک تفسیری ضمننده محکمه
تمیزه حواله اولنش ایدی بو دفعه محکمه
مذکورده حقوق دأره سندن صادر اولوب فقره
حکمییه سی صورتی بالاده محرر اولان اعلام
[موجبجه معامله اولنقی ولان لازم کلانله تبلیغ ایدلک
اوزره اشبو تحریراتک نسخ مطبوعه کافیه
ومصدقه سی لفاً ارسال فلنش اولغله ایضای

(فی ۱۵ صفر سنه ۳۰۸ وفی ۱۷ ایلول)
(سنه ۳۰۶ تاریخنده عموم ولایات استیفاف)
(محکمه سی مدعی عمومیلرینه ومدعی عمومی)
(بولننیاں محللر مدعی عمومی معاونلرینه)
(یازیلان تحریرات عمومیه صورتیدر)

خزیننه جلیله ایله ملتزمین وسائر میانه سنده
متکون دعاویدن طولای استیفاف اولنده جق
رسومک خزیننه تعلق ایدن قسمنه مقابل مال
مأمورلری طرفندن اعطا اولنان علم وخبرلرک
نقد مقامنده ایراد قیدیه مؤخرأ خزیننه جلیله ایله
واردات عدلیه دن ایراد ومصرف وجهله
اجرای محسوبی اصول متخذ اقتضاسندن
بولنسنه مبنی مذکور علم وخبرلرک حاوی اولدیغی

مبالغت مؤخرأ تحصیل لازم کلدیکی حالدہ تکرار
واردات عدلیہ بہ تعلق اولہ میہ جغندن بونلرک
مال صندوق قرضہ طوغریدن طوغریہ خزینہ
جلیلہ نامہ ایراد قیدی لازم کله جکندن اقتضا
ایدنلرہ تبلیغ مادہ دولتی اوزرہ اشبو تحریراتک
نسخ مطبوعہ کافیه سی لفا ارسال قلندبغی بیانیله
شقه ترقیم قلندی .

بوز التمش اوج و بوز التمش دردنجی ماده لری
مقامنه قائم اولق اوزرہ شورای دولت تنظیمات
دائرہ سندن قلمہ النوب مرعیت احکامنه مجلس
مخصوصی و کلا قرار یله بالاسقیدان ارادہ سفیه
جناب پادشاهی شرفعلی بیوریلان مواد
قانونیه نک برقطعه صورت مصدقہ سنک ارسال
بیورلدبغی بیان مالیه سبلہ انفاد احکام مندرجہ سی
باند کرہ سامیه امر و اشعار بیورلمش و کیفیت
هر طرفہ تبلیغ و اشعار اولندبغی کبی صورت
مذکورہ نک نسخ مطبوعہ کافیه دخی لفا
طرف .. کوندرلمش اولغله اجرای ایجابی
سیاقندہ .

(فی ۱۵ صفر سنہ ۳۰۸ وفی ۱۷ ایلول)
(سنہ ۳۰۶ تاریخندہ عموم ولایات استیناف)
(محکمہ سی مدعی عمومی لریہ و مدعی عمومی)
(بولنمیان محلل مدعی عمومی معاونلریہ یازیلان)
(تحریرات عمومیہ صورتیدر)

هر نوع ابنیه ایله سفائن و سائرہ بی عمدأ
احراق ایدنلر حقندہ جزا قانوننامہ ہمایونک

(جزا قانونک بوز التمش اوچنجی و بوز التمش)
(دردنجی ماده لری مقامنه قائم اولق اوزرہ)
(قلمہ النوب مرعیت احکامنه بالاسقیدان)
(ارادہ سفیه جناب پادشاهی شرفعلی)
(بیورلمش اولان مواد قانونیه صورتیدر)
بوز التمش اوچنجی مادہ شهر و قصبہ
وقریہ درونندہ مسکون و غیر مسکون ہر نوع ابنیہ
ایلہ سفینہ لریہ عمدأ آتش و بروب احراق ایدن شخص
ایلہ ابتدکی بنا و یا سفینہ بشقہ سنک مالی بولندبغی
و یا خود کندوسنک مالی اولوبدہ آتشک سرایتیلہ
بشقہ سنک بنا و یا سفینہ سی دخی محترق اولدبغی
صورندہ اکر ایقاع اولنان حریق تلف نفسی موجب
اولمش ایسہ فاعلی اعدام و تلف نفسی موجب اولماش
ایسہ مؤبد کورک جزاسیلہ مجازات اولنور .

داخل و یا خارج شہرہ ہر نوع بنارک
قصداً احراقنہ متصدی اولوبدہ فعلہ کتورہ میانلر
موقتاً کورک قونیلورلر .

فی ۲۲ رجب سنہ ۳۰۷

وفی ۲ مارت سنہ ۳۰۶

فقط محترق اولان بنا و یا سفینہ کندی مالی
اولوب آتش دخی آخرک بنا و یا سفینہ سنہ
سرایتیلہ احراق ایتمز ایسہ اون سنہ دن زیادہ
اولماق اوزرہ موقتاً کورک قونیلور .

بوز التمش دردنجی مادہ شهر و قصبہ و قریہ
خارجندہ اولوب انسانہ مخصوص و یا خود
قابل سکنا و استعمال اولان و اولمیان بنالریہ

قسم غیر رسمی

(ضبطنامه سی صورتندن مابعد)

ونشان دخی دیور بکلی ویکرمی سکر یاشنده اولدییی
حالدہ بک اوغلندہ تقسیم جوارندہ براقہ دہ
ایتمکچیلک و اوواکیم دخی سیواسلی ویکرمی ایکی
یاشندہ اولوب غلطہ دہ پنجشنبه یازاری جوارندہ
چلنکیرلک وارتین دخی قرہ حصاری ویکرمی
بش یاشندہ اولهرق ات میداندندہ اشجیلیق
وعوادیس دخی عتابلی ویکرمی بدی یاشندہ
اولدییی خالدہ چولخه لاق و بدروس دخی بچہ چکلی
ویکرمی بریاشندہ اولوب وز برخاندہ ترکچیلک
ایتمکدہ اولدقلری سونلریله مرقومونہ و وکیلاری
مومی الہمہ قانون مزبورک ایکبوز التمش دردنجی
وایکبوز التمش بشنجی مادہ لری مدلولاتی اخطار
اولندقدن صکرہ اتمام مضبطہ سبیلہ اتمامنامہ
ضبط کاتبی عزمی بکہ او قوتدیرلدی .

ذکر اولنسان مضبطہ نک مآلی مرقوموندن
اغوب وفیلیوس و میناس واشجی آرتین و عوادیس
و بدروسک ارمنستان تشکیلی مقاصد موہومہ سنی
ترویج ایچون تشکل ایدوب ارمنی جاعتی اذهانی
تحدیش ایله عسکر یازمق و آدم قتل ایتمک کی
اسابش عمومیہ بی محل برطاق حرکات اختلالکارانہ بہ
تشبث ایتش اولان جمعیت فسادہ افرادندن

- (ممالک محروسہ شاہانہ دن بر قطعہ سنی)
- (بالافراز ارمنستان نامیلہ بر ادارہ مستقلہ)
- (تشکیل ایتک مقصد مفسد تکارانہ سبیلہ ارمنی)
- (جاعتنی حکومت سنیہ علیہندہ عصیانہ)
- (تحریک و اغرا و جاعت مرقومہ دن اغفال)
- (ایدیلہ میان تبعہ صادقہ بی قتل و افتا ایتک)
- (اوزرہ تشکل ایدن جمعیت فسادہ)
- (افرادندن اولدقلری و شہر ایلول رومینک)
- (اون دردنجی جمعہ کونی قوم قپو ارمنی)
- (کلپساندہ و اجرای آیین اثناسندہ قتل)
- (قصیدیلہ پاپاس سوکیاس افندی بہ روولور)
- (انداخت اولنسی کیفیتندہ ذیمدخل بولندقلری)
- (اداسیلہ مظنون علیہم اولان اغوب ولد)
- (حزار وفیلیوس ولد کرقرور و میناس ولد)
- (قرہ بت و وارطان ولد قالوص و چپار سوم)
- (ولد مرہ کل و نشان ولد سحاق و اوواکیم ولد)
- (ارتین وارتین ولد اغوب و عوادیس ولد)
- (اغوب و بدروس ولد کیغورق نام اون نفر)
- (اشخاصک اجرا قلنسان محاکمہ علیہلری)

بخت اولدییی صرہ دہ مرقوم نشانک کشیش
داچت وارتیتی جرح ایدن سحاقی دخی اوچ کون
اخفا ایله بعدہ بلغارسنانه کوندرک دیدیکنی
مرقوم اغوب طرفندن خبر ویرلسنہ نظراً
فہوہ جی وارطان و چپار سوم و اوواکیم و نشانک
دخی مضر اولنر کی ارباب فساددن اولدقلری
اکلاشیش وجہلہ سنک حرکتلری قانون جزانک
اللی دردنجی مادہ سی ذیلنک ققرہ اولیسی حکمنی
مستلزم افعال جنائیہ دن بولنش اولغلہ اولوجہلہ
اتہام اولندقلرینی و اتمامنامہ نک مؤداسی دخی
مضبطہ مذکورہ مزایاسی وجہلہ مرقومونک
متمم بولندقلرینی بیان و ایضاحدن عبارتدر .

قانون مزبورک ایکبوز التمش التنجی مادہ سنہ
توفیقاً اتمامنامہ نک خلاصہ سی جانب ریاستندن
متہملہ تفہیم ایدلدکن و معاون مومی الہ مدوح
بک طرفندن دخی تشریح دعویہ بالابتدار
مرقومون اغوب وفیلیوس و میناس و وارطان
و چپار سوم و نشان و اوواکیم وارتین و عوادیس
و بدروس مضبطہ اتمامیہ و اتمامنامہ دہ بیان
اولدییی وجہلہ ارمنستان تشکیلی مقصدیلہ ارمنی
جاعتنی حکومت سنیہ علیہندہ تحریک و اغفال
ایدیلہ میان تبعہ صادقہ بی قتل ایتک اوزرہ

اولدقلرینی اقرار ایتلرینہ و دیگرلرندن وارطان
و چلنکر اوواکیم دخی بو ایشلمردہ مدخلاری
اولدییی بیان ایله انکار نہمت ایتکدہ ایسہلردہ
وارطان حقندہ اغوب وفیلیوس و میناسک وقوع
بولان افادہ لرینہ و مرقومک حین دردستندہ
اوزرندہ ارمنی جاعتنی افساد مقصدیلہ مارسلیا
ولوندردہ طبع و نشر ایدلدکدہ اولوب ممالک
محروسہ شاہانہ بہ ادخالی ممنوع بولنار ارمنی العبارة
ارمناق و خنچاق غزنہ لریلہ بعض اوراق مضرہ
ظہور ایتسنہ و چلنکر اوواکیم دکاندہ دخی
عندالتحریری مذکور ارمناق غزنہ سنہ ابونہ اولق
اوزرہ ذکر اولنسان غزنہ محررینہ یازلمش
امضامی مجهول بر مکتوب و قوم قپو وقومانیلہ
او وقعہ دہ ذیمدخل اولوب دیوان حریمہ محکوم
ایدیلان نظرتک احوالہ دائر مخبرہ بی شامل
اوراق مسودہ لری بولنسنہ و اتمکچی نشان
و چپار سومک دخی پاپاس سوکیاس افندی بہ
تشیہر سلاح ایتش اولان اغوبی مجار دہ ساکن
دیقرانک خانہ سنہ کوندروب اخفاسنہ توسط
ایتدکلرینی و نشانک مرقوم اغوبک مخفی
اولدییی مذکور خانہ بہ کیدوب بر کیچہ بیتوتت
ایتدیکنی معترف اولدقلری کی مذکور خانہ دہ
پاپاس سوکیاس افندی بہ ایدیلان روولوردن

تشکل بدن جمعیت فسادیه افرادین اولدقلری
وچکن ایلولک اون درنجی جمعیه کسوفی قومقبو
ارمنی کلیسایان و اجرای آیین اثناسنده قتل
قصیدیه پاپاس سوکیاس افندیگ اوزرینه روولور
اقلسی کیفیتده ذیمدخل بولندقلری اداسیله
مظنون علیهم اولوب حقلرنده تحقیقات استطاقیه
اجرا و هیئت اتهامیه دن دخی اتهاملرینه دائر قرار
اعطا اولنه رق لاجل المحاکمه محکمه جنایته
کوندلش اولدقلرینی واسباب اتهاملرینه کلنجه
مرقومندن اغوب نفایسه کیتک اوزره عسکر
یازله رق دهس بر قلیج کشی ایله برابر رستلری
چبقارلق ایچون ناری قبو کلیسایان کتدیکنی
وبالاخره فیلبوسک و ردیکنی روولور ایله اون
القی عدد ورقه بی الهرق فیلبوسک تنبیهی وجهله
سوکیاس افندییه ریوولور اتمش ایسه ده
قورشونک اصابت ایتدیکنی وعقیب وقعده ده
فیلبوس ک ندرسنی متهملردن میناسک ات
میدانده کی خانه سینه ومؤخرأ فیلبوس ومیناس
ووارطان برابر اولدقلری حالده بک اوغلی جهته
کوتوردکلرینی وفیلبوس اونباشی اولوب
کندوسی نفر درجه سنده بولندیغنی اقرار
ایلدیکی کی فیلبوس دخی ارتین طرفندن کندوسنه
کوندلش اولان اغویه پاپاس سوکیاس افندی بی

قتل ایتک ایچون سلاح واقعه وتوزیع ایتک
اوزره (جزا قانوننامه سی موجبجه عزیز ایشه
مانع اولنلرک اجرینی اولومدر) عباره سنی
وزیرنده (در سعادت ارمنی حاصی مجلسی)
امضاسنی حاوی ارمنی العبارة اون الی قطعه
ورقه و ردیکنی واغوب بک سوکیاس افندییه
ریوولور اندقدن صکره دکانه التجا ایتسیله
الوب ات میدانده کوتوره رک میناسه تسلیم
ایتدیکنی وصکره دخی مرقوم اغوبی میناس
ووارطان ایله برابر بک اوغلنده تقسیم جهته
کوتوردکلرینی سولش ومؤخرأ ضبط اولنان
افاده سنده دخی سوکیاس افندییه ریوولور
اقلسندن ایکی هفته اول ارتین میناس ودر دست
تحریری بولنان بغدادصار وشمسیه چی کرقرور وستراق
ایله مکتبلی دیگر کرقرورک یانه کندکلرنده مرقوم
مکتبلی کرقرور کندولرینه خطاباً شرکته
داخل اولق و برایش کورمک ایسترایسه کز
ایچکزدن برینی انتخاب وقعین ایدیکزده بن انکله
کوریشیم وشرکتک بر امری ویا بر غزنه سی
اولور ایسه تبلیغ واعطا ایدیم دیمسی اوزرینه
ارقداشلری طرفندن کندوسی انتخاب ایدلکله
مرقوم مکتبلی کرقرور شرکتک نظامنامه سی
اقتضاسنجه غمازلر قتل اوله جق و پاپاس سوکیاس

دخی اعدام ایدبله جکدر بر آدم بولیکزده اورسون
چالیشم هرکس بر اوله جق واسویچره ده
اولدیغنی کی زنکین فقیر کویلی هبسی مساوات
اوزره بولنه جقدر دیدیکنی وکندولری اووقات
خاچیک افندی دخی غمازمیدر قتل اولنه جق
آدملردنمیدر سؤالی ایراد ایتلری اوزرینه دخی
سز اکا قارشیمکز پاپاس سوکیاسی اورمغه
چالیشکز جوابی و ردیکنی وانک اوزرینه
کندوسی ارتینی بولوب مرقومک ارانه ایتدیکی
اغویه مومی الیه سوکیاس افندی بی قتل ایتک
ایچون کندی ریوولورینی و عوادیسه دخی
ستراقدن المش اولدیغنی دیگر ریوولوری اعطا
ایتدیکنی افاده واعتراف ایش اولدیغنی ومیناس
دخی فیلبوسک اغوبی دکانه کتوره رک بوآدم
پاپاس سوکیاس افندییه قورشون اتمشدر شونی
بر برده صاقلا دیمسی اوزرینه اغوبی الوب
خانه سینه کوتوردیکنی وصکره فیلبوس ووارطان
ایله برابر تقسیمه کوتوروب اوراده بریره اخفا
ایدلک ایچون وارطانه ترفیق ایدلیدیکنی اقرار
ایتمش اولدیغنی ووارطانه کلنجه مرقوم حقنده
فیلبوس واغوب ومیناسک درمیان ایدیلان
افاده لری واقع اولسی وچین در دستنده ارمنی
جاعتنی افساد مقصدیه مارسلیا ولوندرده

طبع ونشر ایدلکده اولوب بمالك شاهانه یه
ادخلی ممنوع بولنان ارمنی العبارة ارمناق وخنچاق
غزنه لرینک عبارات مضره ایله مالامال اولان
و برینک اوزرنده در سعادت خنچاقیان ارمنی
شرکتی مجلسی عبارلی وارمه لی بر مهر موضوع
بولنان ایکی نسخه سیله سائر بعض اوراق مضره
ظهور ایتش بولنسی کندوسنک ارباب فساددن
اولدیغنی مثبت احوالذن ایدوکنی وچپارسوم
ایله نشانک پاپاس سوکیاس افندییه شهر سلاح
ایتمش اولان اغوبی مجارده ساکن دیقراک
خانه سینه کوندروب اخفاسنه توسط ایدکلرینی
وبولردن نشان اغوبک مختنی اولدیغنی دیقراک
خانه سینه کیدوب برکیجه یاندیغنی معترف اولدقلری
کی مذکور خانه ده پاپاس سوکیاس افندییه
ایتلان قورشوندن بحث اولدیغنی صروده نشانک
کشیش داجت وارتنی جرح ایدن سحاقی دخی
اوج کون اخفا ایله بلغارستانه کوندردیکنی اقرار
واعتراف ایتدیکی اغوب طرفندن خبر ویرلسی
بولنرک دخی ارباب فساددن اولدقلرینی موقع
ثبوته ایصال ایتکده بولندیغنی وواکیم دکانه
ارمناق غزنه سینه ابونه اولق اوزره مذکور
غزنه محررینه یازلش امضاسی مجهول بر مکتوب
وقوم قبو وقوعاتیله او وقعده ذیمدخل اولوب

دیوان حربچه محکوم ابدیلان نظرتک احسوالنه
دار اوراق مسوده لری بولمسی مرقومک دیگرلرینه
مشارکتی اثبات ایتکده اولدیغنی واشجی ارتینک
در دست بحری بولنان بعضی ارباب فسادک
اسملری خبر و بر مکله برابر در سعادتن اجیازینه
کوندرلک واوراده بعد التسلیم وان حوالیسنه
صوق اولنه رق اخلاص اسبابش ایلک مقصدیه
ارمنی جماعتدن بعضی کسانى تحریر ایش
و بولنری کوندرمک اوزره جمعیت فسادیه افراد
واعضایله بر چوق دفعه ملاقات و مکالماتده
بولنه رق نهایت جمعیت طرفندن خبر و بر یله جک
کیمسه لری قتل و اتلاف ایچون آدمی تدارک ایش
و مرجانده رؤسای جمعیت فسادیه دن برینک
متهملردن فیلبوس و میناس ایله سائر بعضی
اشخاص حاضر ایکن ارمنستان نامیه بر حکومت
مستقله تشکل ایده جکنه و بو حکومتک صورت
اداره سنه دار ابراد ایلدیکی نطقى استماع ایش
اولدیغنی حکایه و اقرار ایلدیکنی و عوادیس دخی
ارتینک تکلیفی اوزرینه عسکر یازلدیغنی و پاپاس
سوکیاس افندی بی اعدامه مأمور اغوب ایله
برابر کز مسی حقنده ارتینک کندوسنه تنبیهات
اجرا ایتدیکنی و اغوب طرفندن بر قا ویرلیدیکی
کبی مرقوم ایله برلکده فیلبوسک دکانه کتدکارنده

فیلبوس جانبندن دخی بر ریوولور اعطا قلنه رق
پاپاس افندی بی اورمق ایچون اغوبه معاون
تمین قلندیغنی و فقط اغوبک پاپاسه سلاح ایتدیغنی
وقت کندوسی حاضر بولندیغنی اقرار و بدروس
دخی در دست بحری بولنان ارستاکیس اسمنده
برینک تشویقیله ارتینک یانه کیدرک باطومه
کیمک اوزره عسکر یازلدیغنی و مؤخرأ اسملری
قید ایلک ایچون نارلی قپو کلیساسنه کتدکار بی
و باطومه عزیمتلی تأخر ایتکله غلطیه کیدرک
ارستاکیس واسطه سیله کورشمش اولدیغنی بر
شخصی پاپاسی اورمق ایچون بوکون قرعه
چکدک بکا اصابت ایتدی دیوب کندوسنه بر
ریوولور و یرمش اولدیغندن شخص مرقوم ایله
برابر اوج کون صماتیه وقوم قپو جهتله رنده
طولاشدیغنی حکایه و تذکار ایش اولدقلر بی
بیان ایله مرقومونک اجرای محاکمه لری طلب
ایلدیکده بولندیغنی افاده ایتدکن صکره متهملر
سویلتدیرلکده بولنردن باغچه جکل اغوب
خسته لیکی مناسبیه بوشده کزدیکی صره ده برکون
سرکه چی اسکله سنده بر قهوه خانه ده اوتورمقده
ایکن ارستاکیس اسمنده بر شخص کز ایچمه کندوسنی
چاغروب بر قومیه وار عسکر یازیورلر چوق
کشی کوندر دیرلر دهرک موافقتی استحصال

ایتمی اوزرینه تذکره عثمانیه سنی بالاخذ اشجی
ارتینک یانه کوتورمش و مرقومه بوکون یارین
صوق ایلدیه جکلری بیایله بر مدت وقت چکوب
نهایت نارلی قپو کلیساسنده افندیلر قفس ارقه سنندن
کندولر بی کوروب اسملری بی الهجه لرندن بالبحث
اورابه دعوت ایش اولدیغندن کیدرک مرقوم
اشجی ارتین و بدروس ودها طاییدیغنی بر طاقم
اشخاص حاضر اولدقلری حالدیه بر مدت کلیساده
اوتور دقندن صکره چیقوب چله سی برابر ایش
اوراده کی قهوه خانه ده و اخیرأ دخی صماتیه ده
واقع بر میخانه ده امرار وقت ایله ایرلدقلر بی
وقهوه خانه ده اوتور دقلری صره ده مرقوم اشجی
ارتین کندولرندن مفارقتله بر مدت صکره ارون
نامنده بر شخص ایله برابر عودت ایش و بولنر
خفیه کورشدکلری کبی بواننده مرقوم ارونک
برافندی وار چوق آدم بولادی اکا صورایم
دیمش اولدیغنی و فرداسی مرقوم اشجی ارتین
کندوسنی بولنه رق بوراده کی غمازلری قتل و افنا
ایتمک ایچون صوق ایلدیه جکلری بیان ایله برابر
پاپاس سوکیاس افندیک اورمسی کندوسنه
ورفقی دیگر اغوبه تکلیف ایدوب فیلبوسک
دکانه کوتورمش اولدیغنی و مرقوم فیلبوس دخی
باره ویررز و قاجر رز دهرک تکلیف واقعه ده

اصرار ایله ابرتمی کونی سلاح ویرلمک اوزره
دکانه کلیمسی تنبیه ایش اولدیغنی جهتله فرداسی
کیدیوب فقط دیگر اغوب ورود ایتدیکنندن
مرقوم فیلبوس کندوسنه پاپاس سوکیاس افندی بی
اورمق ایچون بر ریوولور و عقیب وقعه ده
سرینک اوزره دخی اون التی قطعه کاغذ و بر مکله
درت بش کون قدر قومقپو جوارنده کزدیکی
و بومدت طرفنده ایکی اوج دفعه پاپاسی کورمش
ایسه ده اورمغه جسارت ایده میهرک بر اقسام
اوطه سننده اوتورر ایکن پاپاس سوکیاسک
اور یله جغه دار کلیسایه بر کاغذ براغیش اولدیغنی
پدرینه حکایه ایتدیکی صره ده مرقوم کندوسنی
بوکی شیلردن منعه قالمشمش اولدیغندن ابرتمی
کونی فیلبوسه سلاح و کاغذ لری امانه ایتدیکننده
مرقوم اکرسن اورمز ایسه ک ارقندن طولاشیورلر
سنی اولدیره جکلر دهرک کندوسنی تخویف
و چرخه عوادیسی دخی ترفیق ایش اولدیغندن
نهایت وقعه کونی قومقپو کلیساسنه کیدرک
پاپاسک ارقه طرفنده طوروب هوایه بر ال
ریوولور ایش اولدیغنی و فقط مرقوم عوادیسک
بو صره ده کندوسنیله برابر بولندیغنی و فیلبوس
دخی و قوطاندن ایکی هفته اول طاییدیغنی اوزون
بویلی بریسی کله رک سن عثمانلی محله سننده

اونور پورسك غماز ديه سندن شبهه ايد پورلر
 بو شبهه يني ازاله ايجون كيت اوتينه سويله
 پاپاس سو كياسى اورمق اوزره بر يسنى بولسون
 پاره ويره جكم سلاح وكاغد كنوره جكم ديمش
 واول امرده كندوسى بوكا موافقت ايتماش
 ايسه ده شخص مرقوم اكر سن بو ايشى يايمز
 ايسه ك سنى اوررلر همان سن ارتينه سويله ده
 بر آدم بولسون ديمكه قورقوب ناچار قاهره
 اشجى ارتينه اولوجهله بر آدم تداركنى تنبيه
 ايتش اولديغندن مرقوم بو اغوبى كتوردى كنى
 وكندوسى ايشك اوكنى المى ايجون مو مى اليه
 سو كياس افنديك قدسه فرار ايتدى كنى بيان
 ايدوب فقط مرقوم اغوب تحقيق ايجون كيدرك
 عودتله مو مى اليهك فرارى ي اساس اولديغى
 وحتى محل اقامتك دخى معلوم بولنديغى جهتهله
 سپارش ايدلان خدمتى ايفا ايدى جكنى بالبيان
 سلاحلى طلب ايتدى كندى مرقوم دخى مرقومه
 بر ديوولور وريدكى ومؤخرأ بر جمعه كوفى
 صبا حلين مرقوم اغوب يالكز ورود ايدرك
 پاپامى اوردم بنى نه يابه جق ايسه ك ياب ديمكه
 مرقوم ايله برابر سو وقاقده كيدر ايكن ميناسه
 تصادف ايتدى كنده اغوبى مرقوم ميناسك يانه
 براقدىغى وشو بليه دن بر چاره نخلدس ارامق

ايجون قهوه جى وارطانه كيدوب طشره لى فقير
 بر آدم بولديغندن بختله براوطه ايتدى كنده مرقوم
 وارطان بلكه براوطه بولورز برقاج كچه بر يره
 طورسون ديمى اوزرينه كندوسيده نشانه
 كوتورمش و مرقوم نشان اغوبى برقاج كچه
 اليقويق ايجون پاره طلب ايتكه ابتدا سلاح
 وكاغدلى كتورمش اولان شخص مرقومك
 وريدكى اون مجيدىدن يوز يكرى غروش مقدارينى
 اغوبه صرف ايدرك باقىسى زنده قالدىغى جهتهله
 مرقوم نشانه دخى پاره ويره جكنى وعد ايتش
 اولديغى ولدى السؤال مرقوم اغوب دخى
 پاپاس سو كياس افندى ي اورمق ايجون عطار
 فيلبوسك كندوسنه يوز غروش و يرمش ايدوكنى
 وميناس دخى فيلبوس بر صباح اغوبه برابر
 ورود ايدرك مرقوم اغوبك مملكندن يكي كمش
 ونول ويره ميه رك قاچش اولديغندن بالبحث برقاج
 ساعت اوتورمىنى ايتكه تكليف كندوسى دخى
 خانه سنه كوتورمش اولديغى ومؤخرأ فيلبوس
 كلهرك مرقوم اغوبى تقسيمه كوتوره جكنى
 سو بيلدى كندى مرقوم دخى رفاقت ايدى جكنى
 بيان ايله اوچى برابر اولدقلى حاليده كيدرلر
 ايكن قهوه جى وارطانى دخى خاندن الهرق تقسيمه
 كندى كنده مرقومون ايرلر يله كندوسى عودت

ايلديكى وبشقه بر شيدن معلوماتى بولنديغى
 ووارطان دخى دردستندن بر آى اول فيلبوس
 كندوسنه كلهرك براوطه استيجار ايتك ايتش
 ايسه ده بولنديغى خانه اقامت ايجون او طه
 اولديغى جهته جواب و يرمش اولوب بر مدت
 صكره مرقوم فيلبوس يانده اغوب وميناس
 بولنديغى حاليده تكرر ورود ايدرك تقسيمه
 بر او طه بولش اولديغندن بختله برابر كيتمى
 تكليف ايلدى كندى مرقومون ايله بر لكده تقسيمه
 قدر كيتش ايسه ده انلر اوراده ايرلدقلى
 كندوسى كز مكه ايكن فيلبوس وميناس عودتله
 مرقوم اغوبى بر يره مسافره براقدقلى سولش
 اولدقلى ينى ولدى السؤال مرقوم اغوب دخى
 كندوسى جله سى برابر اولديغى وانكجى نشان
 دخى ايجلر نه بولنديغى حاليده تقسيمه برسوقاق
 ايجنه كوتوروب اوراده چپارسوم ورود ايتكه
 اكا تسليم ايتش اولدقلى ينى و مرقوم چپارسوم
 دخى ابتدا براوه كوتوروب اوراسنك ياكش
 اولديغى كلاشيله رق بو صره ده تصادف ايتدى كلى
 ديقرانك برادرى واسطه سيله مرقومك خانه سنه
 كوندلش ايدوكنى و چپارسوم دخى بر كون
 انكجى نشان مرقوم اغوبى ديقرانك خانه سنه
 كوتورمك اوزره كندوسنه ترفيق ايتدى كندى

الوب كوتورمش فقط ياكش براوه كيتش
 اولدقلى عودت ايتكه ده ايكن ديقرانك
 قرداشنه تصادف ايتكه مرقوم ايله كوندلش
 اولديغى وبشقه بر شيدن معلوماتى بولنديغى
 ونشان دخى بر جمعه كوفى ساعت درت بش
 راده رنده طانديغى عطار فيلبوس دكانه كلهرك
 همشهريسى اولديغندن وكندوسى طانقه
 بولنديغندن بختله مملكته بولندن بر ينك بلمنه بولنان
 سلاحى ديكر بر ينك يانده قارشى ديرر ايكن
 باطلامش و كچه قورشون اصابت ايتماش
 ايسه ده او آدمك دعوى ايتمى مختل بولنديغندن
 شخص مرقومى بر كچه صافلامسى رجا ايتدى
 وحتى ايكن يوز غروش دخى وعد ايلدى حاليده
 كندوسى يانه جق برى اولديغى بيانيله موافقت
 ايتماش ايسه ده مرقوم فيلبوس كيدوب افشام
 اوزرى وارطان ايله اغوبى كوندركه كندوسى
 دخى مرقومه دانما ايتك وريدكى جهته معارفه سى
 بولنان ديقرانك خانه سنه كوندلش اولديغى
 ومؤخرأ كچه ساعت درنده ديقرانك خانه سنه
 كيدوب سلاحك نه صورتله باطلامش اولديغى
 مرقوم اغوبدن صورديغنده قومقوده پاپاس
 سو كياس افندى يه ريوولور ايتش اولديغى
 حكايه ايلدى كنى ولدى السؤال مرقوم اغوب دخى

آنگهی نشان او کجی اختفا ایندیکی دبقرانک
 خانه سنده کله ركه نه فائده اتمشك اما اورده مامشك
 كاشی سوکیاس اوربله ابدی ده سنده طویله ابدك
 دیوب نزدنده بولنان ر بولورفشنگارندن بریسی
 الهرق دبقرانه بالارائه بو آدم اولدبررمی دیمكه
 مرقوم دبقران دخی بونی سكا هانگی پزهونك
 ووردی بو آدم اولدبررمی دیمش اولدیغی کبی
 مرقوم نشان پاپاس داجت وارنقی اوران
 شخصی دخی اوج کون اخفا ایتدکدن صكره
 بلغارستانه کوندردیکنی حکایه ایلدیکنی و اوا کیم
 دخی کندوسنه تیمورجیلکه متعلق برایش سپارش
 ایده جکنی خبر المش اولدیغی بر شخصی ارامق
 اوزره تقسیمه کیدوب بعضاً اخذ واعطا ایتدیکی
 جهته طایفه اولدیغی نشانك دکانه او تورمقده
 ایکن مأمور بندن بری کله ركه نشان ايله برابر
 کندوسنی دخی دردست ایتش ولدی التحری
 دکاندن برابونه مکتوبی بولنش ایسه ده مذکور
 مکتوب کندوسنك اولوب دردستندن برآی اول
 مملکتنه کیتش اولان اورتاغی میناسك خط دستيله
 محرر ایدوکنندن مرقومك اولدیغی وانجق دیگر
 برورقه دها بولنش ایسه ده بوده همشیر یلرندن
 اولوب قوه قیو وقعه سنده ذیدخل بولمنسه مبنی
 تحت استنطاقه النمش اولان نظرتك احوالنه دائر

معلومات اعطاسی مملکتنده بولنان پدری اغوب
 و عوجه سی میقاتل طرفلرندن کندو پدرینه رجا
 ایداش و مرقوم دخی بوکا دائر بر مکتوب یازمسی
 ننبیه ایش اولدیغندن غزنه نك وردیکی معلومات
 اوزرینه او بولده بر مکتوب یازمغه باشلاوب
 فقط یازمغه باشلا دیغی ورقه بی اکل ایده مدیکی
 کبی بیرتمقه خاطرینه کلامش اولدیغی بیان
 ایتدیکنندن قورشون قلیله ارمنی العبارة اولهرق
 یازمش اولان مذکور ورقه مرقوم اوا کیه
 قرائت ایتدیرلدکه مائی قربان بیرامنك برنجی
 کونی قومقوده بك چوق آدم طوپلانهرق
 بطریق ایستماش اولدقلرینی پساندن عبارت
 بولندیغی اکلاشیلدی بونك اوزرینه نوبت
 استجواب اشجی ارتینه کلکه مرقوم دخی
 خسته لکی ملاسه سیله بوشده کزدیکی صروده
 برکون قهوه خانه ده او تورمقده ایکن طایندیغی
 سبواصلی انترانیک کله ركه صماتیه ده کچی
 او خانسك اجبازینه کوندرمك اوزره آدم ارامقه
 اولدیغی بیان ايله کندوسنی نزدینه کوتوروب
 مرقوم دخی قاج کشی اولورایسه کوندریله جکنی
 سوبلکه نیقوغوص و دیار بکرلی خیره بت و رفیق
 وائی وارطان و انترانیک و عوادیسك املرینی
 یازوب تذکره عثمانیه لرینی بالا خدمت قوم او خانه

اعطا ایتش فقط ابتدا بونلرک اجبازینه کوندرلرندن
 مقصد اوراده اجرای آیین ائساننده بولنقی و ثوابی
 کوندرنلره عائد اولقندن عبارت اولدیغی ظن
 ایتکده بولنش ایدوکنی و بر قاج کون صكره
 همشیر یلرینی کورمك و مکتوب المق ایچون یکی
 جامعه کیدرک اوراده تصادف ایتدیکی قومشوسی
 خواجه اغوب کندوسنده دخی سوق
 ایدیه جك اوج کشی بولندیغی بیان ایتکده
 انلرک دخی پوصله سنی المش اولدیغی

مابعدی وار

اعلان

ارمنستان تشکیلی مقاصد باطله سنی روج
 ایچون تشکیل ایدن واسایش عمومیه بی محل برطاقم
 افعال و حرکات اختلاجلویانه به تشبث ایلیمان
 جمعیت فسادیه افراندن اولدقلری ادعاسیله
 مظنون علیهم اولان اشخاصدن اولوب وادی
 فرارده بولنان اسکدارده سلامزده قهوه چی
 حاجی ماردروسك قهوه سنده بیتوت ایدن

اوزونجه بویلی الا کوزلی سیاه قاش و صاچلی
 الی بش یاشنده خپارسومك فعل مذ کوره
 جرأت ایلسمندن طولابی حرکتی قانون جزانك
 الی دردنجی ماده سی ذیلنك فقره اولیمی حکمنی
 مستلزم افعال جنایه دن بولنش ایدوکنندن
 اصول محاکات جزایه قانوننك باب رابعنك
 فصل ثانیسده محرر مواد احکامنه توفیقاً جنایت
 محکمه علیه سنده غیاباً محاکمه سی اجرا اولنقی
 اوزره جنایتله اتهامنه قرار ویرلدیکنندن متهم
 مرقوم خپارسوم هرزده کوریلور ایسه
 طویلوب محکمه مذ کوره توقیفخانه سنده تسلیمی
 لازم کله جکندن بالجله ضابطه عدلیه مأمور
 لرنك ملومی اولق اوزره اشبو اخذ و گرفت
 مذ کوره سی در سعادت محکمه استیناف جنحه
 زندنده متشکل هیئت اتهامیه دن بالنظمیم
 اعطا قلندی

فی ۶ ربيع الاول سنه ۳۰۸

وفی ۸ تشرين اول سنه ۳۰۶

سليمان توفيق افنديك ۲۰۷/۱۹۸ نومرولى اعلام
موجبه اجد اوسته به محكوم به دینی اولان
معلوم المقدار مبالغك تسویه سی ضمنده باقالتیده
الما طاعی جاده سنده قرق بر نومرولى بر باب
خانه سی بالزاید بیک بشیوز غروش بدل ایله
طالبی عهده سنده تقرر ایلدیکندن تاریخ اعلان
اعتباراً اوتوز بر کون ظرفنده بدل مذکور
اوزینه بوزده بش ضمیمه طالب اولنلرک بک
اوغلی بدایت محکمه سی اجرا مأموریتنه مراجعت
ایملری اعلان اولنور .

فی ۱۰ تشرین اول سنه ۳۰۶

کوچک چکمه بدایت محکمه سندن صادر
اولان یکریمی ایکی واون ایکی نومرولی اعلانات
منطوقجه بدل ایجاردن الهجفی اولان از غیر
مصارف درت بیک طقوز بوز یکریمی غروشک
تأمین استیفای ضمنده مدیون مرقومک مقری
قریه سنده بارونخانه جاده سنده سکسان یدی
نومرولی بوستانک ملکنندن ربع وکسیدیکندن
سکز حصه اعتبار به ایکی حصه سی ربعی تحت
جزه النش و تاریخ اعلانن اون بش کون
صکره مزایده وضع اولندجقندن طالب
اولنلرک ودها زیاده معلومات المی ایستیانلرک
کوچک چکمه اجرا دائره سنه مراجعت ایملری
اعلان اولنور .

فی ۱۶ تشرین اول سنه ۳۰۶

مقری قریه سنده تیمور قیو بقیچه سنده ساکن
دیمتری ولد قسطنطینک نیکوله زخار یادی به